



REPUBLIKA E KOSOVËS + REPUBLIKA KOSOVA
KOSOVA CUMHURIYETI
Komuna e Prizrenit + Opština Prizren
Prizren Beledijesi
Kryetari i Komunës / Predsednik Opštine
Belediye Başkanı

01 Nr. 208/26 Dt. 08.05.2026



Republika e Kosovës
Republika Kosova- Kosova Cumhuriyeti



Komuna e Prizrenit
Opština Prizren – Prizren Beledijesi

**Procesverbali nga mbajtja e konsultimit publik me qytetarë për Projekt-
Planin Komunal për Riintegrim të Qëndrueshëm të Personave të Riatdhesuar
dhe Integrimin të të Huajve ne Komunen e Prizrenit-2026-2028**

Me datë 22.04.2026 dhe numër protokolli 01.175/26, kryetari i Komunës së Prizrenit, Shaqir Totaj, ka nënshkruar vendimin për formimin e grupit punues për hartimin e Projekt-Planin Komunal për Riintegrim të Qëndrueshëm të Personave të Riatdhesuar dhe Integrimin të të Huajve në Komunen e Prizrenit-2026-2028. Në përbërje të këtij grupi janë: Islam Elshani, kryesues; Asim Imeri, anëtar; Arber Krasniqi, anëtar; Osman Osmani, anëtar; Eleonora Fetollari-Bush, anëtare; Haziz Krasniqi, anëtar.

Gjatë këtyre takimeve, janë trajtuar në mënyrë të detajuar sfidat kryesore me të cilat përballen personat e riatdhesuar, duke përfshirë qasjen në shërbime sociale, arsim, punësim dhe strehim. Anëtarët e grupit punues kanë analizuar legjislacionin në fuqi, praktikat më të mira dhe nevojat specifike të kësaj kategorie, me qëllim hartimin e masave konkrete dhe të zbatueshme në nivel lokal.

Në këtë proces janë përfshirë edhe palë të ndryshme të interesit, përfshirë përfaqësues institucionalë, organizata të shoqërisë civile dhe partnerë ndërkombëtarë, duke siguruar një qasje gjithëpërfshirëse dhe të koordinuar. Si rezultat i këtyre diskutimeve dhe kontributeve, dokumenti synon të ofrojë një kornizë të qartë veprimi për riintegrimin e qëndrueshëm të personave të riatdhesuar në komunë.

Njoftimet për qytetarë për organizimin e konsultimit publik janë bërë në përputhje me legjislacionin në fuqi.

Publikimet:

Publikimet janë bërë me **27:04.2026** në webfaqe zyrtare të komunës, në facebook-un e komunës, si dhe në platformën e konsultimeve publike:

Në webfaqe:

<https://prizren.rks-gov.net/wp-content/uploads/2026/04/Njoftimi-Shq-Tur-Bosh.pdf>

Në facebook:

Në platformë:

<https://konsultimet.rks-gov.net/viewConsult.php?ConsultationID=43022>

Njoftimi si lajm në webfaqe:

<https://prizren.rks-gov.net/news/njoftim-per-organizimin-e-konsultimit-publik-me-qytetare-per-planin-komunal-per-riintegrim-te-qendrueshem-te-personave-te-riatdhesuar/>

Konsultimi është mbajtur në sallën e kuvendit komunal (Shtëpia e Bardh) dhe ka filluar në orën 10:10

Gjithashtu pjesëmarrës në konsultim publik edhe grupet e tjera të interesit përkatësisht përfaqësues të OJQ-ve si dhe mediet.

Hapja e konsultimit publik është bërë nga Haziz Krasniqi, zyrtar i Lartë për Informim dhe zyrtar përgjegjës për konsultime publike duke thënë se jemi mbledhur sot në këtë konsultim publik për shqyrtimin e Projekt-Planit Komunal për Riintegrim të Qëndrueshëm të Personave të Riatdhesuar dhe Integritit të të Huajve ne Komunen e Prizrenit-2026-2028. Për detajet dhe përmbajtjen e këtij plani, fjalën do ta marrë z. Islam Elshani.

Ju njoftoj se organizimi i këtij konsultimi publik është bërë në përputhje me afatet ligjore. Ky dokument do të vazhdojë të jetë në konsultim publik deri më 12.05.2026. Gjithashtu, të gjithë të interesuarit që dëshirojnë të kontribuojnë në këtë dokument mund t'i dërgojnë komentet apo sugjerimet e tyre deri më 12.05.2026 në adresat elektronike: Islam.Elshani@rks-gov.net , Adelina.Hoxhaj@rks-gov.net dhe Haziz.Krasniqi@rks-gov.net .

Plani u është dërguar me kohë edhe OJQ-ve, bizneseve, drejtorëve dhe zëvendës drejtorëve të shkollave, kryetarëve të lagjeve dhe fshatrave, ekspertëve të fushave të ndryshme, si dhe institucioneve shëndetësore.

Më pas, fjalën e mori **Z. Islam Elshani**, theksoi gjithashtu se institucionet komunale kanë qenë pranë familjeve që kanë pasur probleme shëndetësore, duke ofruar mbështetje sipas nevojave të tyre. Ai shtoi se një vëmendje e veçantë u është kushtuar edhe familjeve që kanë qëndruar në vendet perëndimore, veçanërisht fëmijëve që kanë vijuar mësimin atje dhe që pas kthimit janë ndihmuar në procesin e regjistrimit dhe integritit në shkollat e Komunës së Prizrenit.

Po ashtu, bëri të ditur se ekzistojnë dy skema pra ajo emergjente, dhe skema e qendrueshmerise për mbështetjen e personave të riatdhesuar:

1. **Skema e gjendjes emergjente** – për një periudhë tre (3) mujore, ku familjeve në nevojë u ofrohet mbështetje me ushqim dhe akomodim.
2. **Skema e qëndrueshmërisë** – nga kjo skemë përfitojnë familjet që posedojnë prona, por që ende nuk i kanë të rregulluara dokumentacionet përkatëse, me mundësi që në të ardhmen t'u ndërtohen ose renovohen shtëpitë në bazë të kushteve dhe procedurave të parapara.

-Më pas, fjalën e mori **Bashkim Gashi**, i cili theksoi se obligimet për komunën burojnë nga strategjitë e hartuara në nivel qendror, të cilat përcaktojnë detyra dhe specifika konkrete për institucionet lokale. Ai shtoi se në plan është dashur të përfshihet edhe gjendja aktuale lidhur me kthimin dhe integrimin e personave të riatdhesuar, me qëllim që të paraqitet një pasqyrë më reale e sfidave dhe nevojave ekzistuese.

Sa i përket çështjes së shëndetësisë, ai vlerësoi se gjendja institucionale është e mirë dhe institucionet janë të gatshme të ofrojnë shërbime, mirëpo theksoi se përveç kësaj duhet të identifikohen dhe adresohen sfidat kryesore ku kërkohet fokus më i madh institucional.

Gjithashtu, ai potencoi rëndësinë e mbështetjes në aspektin gjuhësor për fëmijët e kthyer nga vendet perëndimore, duke theksuar se atyre duhet t'u sigurohen mundësi për të mësuar dhe përvetësuar gjuhën, në mënyrë që të integrohen më lehtë në sistemin arsimor dhe shoqëror.

-Në përgjigje të diskutimeve, **Islam Elshani** theksoi se nga viti i kaluar Komuna e Prizrenit ka pasur vetëm dy raste të personave të riatdhesuar, duke shtuar se numri i tyre ka rënë dukshëm krahasuar me vitet e mëparshme.

Ai bëri të ditur gjithashtu se sa i përket integrimin të të huajve në komunë, aktualisht janë 2-3 familje nga Palestina, ndërsa trajtimi i këtyre rasteve menaxhohet kryesisht nga ministria përkatëse.

-Lidhur me planifikimet për të ardhmen, ai tha se nuk dihet saktësisht se sa familje do të ketë që do të riatdhesohen në periudhën në vijim. Sipas tij, deri më tani kanë qenë gjithsej shtatë (7) familje të akomoduar, ndërsa aktualisht janë gjashtë (6), pasi një person ka ndërruar jetë si pasojë e një sëmundjeje kronike

-Më pas, fjalën e mori **Simon Veseli**, i cili shprehu interesimin e tij lidhur me çështjen e riatdhesimit, veçanërisht për rastet e personave që janë kthyer dhe që kanë probleme shëndetësore. Ai parashtrroi pyetjen nëse kthimi i tyre bëhet me dëshirën e tyre apo në forma të tjera të procedurave të riatdhesimit dhe kush janë ata që qendrojnë në mesin ton.

Gjithashtu, ai ngriti disa shqetësime lidhur me disa raste të personave të ardhur nga Palestina, duke përmendur se sipas perceptimit të tij disa prej tyre janë në gjendje të mirë financiare, ndërkohë dhe kërkojnë neper rrugë, ndërsa njëkohësisht ka qytetarë nga Kosova që përballen me mungesë strehimi dhe vështirësi ekonomike, derisa në po mirremi me të huaj. Ku nuk e dim as qëllimin e tyre, cila është arsyeja që janë në mesin tonë, kemi dhe imazh të keq për qytetin tonë.

-Në përgjigje të pyetjeve dhe shqetësimeve të ngritura, **Islam Elshani** sqaroi se çështja e personave të riatdhësuar bazohet në marrëveshjet për kthim, duke përmendur marrëveshjen e vitit 2013 për kthimin e personave. Ai theksoi se personat që nuk posedojnë dokumentacion të rregullt ose leje qëndrimi nuk mund të vazhdojnë qëndrimin në shtetet përkatëse.

Sa i përket çështjes së personave të huaj, ai theksoi se këto raste trajtohen kryesisht nga ministria përkatëse, duke shtuar se në takim është i pranishëm edhe zyrtari kompetent, i cili mund të japë përgjigje më të detajuara lidhur me pyetjet dhe shqetësimet e ngritura nga pjesëmarrësit.

-Më pas, fjalën e mori **Berat Gashi**, i cili theksoi se zyrat në Komunën e Prizrenit trajtojnë raste të personave të huaj që kanë marrë leje qëndrimi. Ai sqaroi se vendimet për akomodim merren nga ministria përkatëse, ndërsa në trajtimin e këtyre rasteve ekziston bashkëpunim me ZKKK-në dhe institucionet relevante.

Sipas tij, shumica e familjeve të riatdhësuar mbështeten përmes pagesës së qirasë, energjisë elektrike, ushqimit dhe nevojave të tjera bazike, me qëllim të sigurimit të kushteve minimale për jetesë.

Sa i përket personave që kërkojnë ndihmë nëpër rrugë, ai theksoi se nuk preferon të japë komente lidhur me këtë çështje, duke shtuar se trajtimi i rasteve të tilla i përket kompetencave të Policisë së Kosovës.

Të gjitha komentet dhe propozimet e paraqitura do të shqyrtohen dhe do të merren parasysh në procesin e finalizimit të planit.

Konsultimi ka përfunduar në orën 10:45.

Me 07.05.2026, është mbajtur konsultimi publik, vegëza e publikimit të lajmit për mbajtjen e konsultimit:

Në webfaqe:

<https://prizren.rks-gov.net/news/u-mbajt-konsultim-publik-me-qytetare-per-projekt-planin-komunal-per-riintegrim-te-qendrueshem-te-personave-te-riatdhesuar/>

Në facebook:

<https://www.facebook.com/share/p/1GbAPmfyU/>

Procesmbajtës:

Senada Etemi

Zyrtare për të Drejtat dhe Integreimin e Komuniteteve

Zyra Komunale për Komunitete dhe Kthim

Haziz Krasniqi

Zyrtar i Lartë për Informim

Zyrtar për Konsultime Publike

